



REPUBLIKA E SHQIPËRISË
MINISTRIA E BRENDSHME
MINISTRI

PROJEKT UDHËZIM

Nr. _____, datë ____ . ____ . 2024

PËR

“RADHËN E VENDOSJES SË ELEMENTËVE TË ADRESËS, ALGORITMIN DHE STRUKTURËN E KODIT UNIK TË ADRESËS DHE PËRDORIMIN E TIJ”

Në mbështetje të nenit 102, pika 4 e Kushtetutës së Republikës së Shqipërisë dhe të pikës 2, të nenit 2, të ligjit nr. 9270, datë 29.07.2004, “Për sistemin e adresave”, të ndryshuar,

UDHËZOJ:

1. PËR RADHËN E VENDOSJES SË ELEMENTËVE TË ADRESËS RESPEKTOHEN RREGULLAT E MËPOSHTËM:

1. Elementët e adresës shkruhen në mënyrë të standardizuar të renditur në këtë mënyrë:

- emërtimi i pjesëve të territorit publik (bulevard/rrugë/rrugicë/shesh ose park);
- numri i ndërtesës “Nd”, numri i hyrjes “H”, numri i apartamentit “Ap”;
- emërtimi i qytetit/fshatit, emërtimi i njësisë administrative, kodi postar;
- emërtimi i bashkisë.

Emërtimi i bashkisë/njësisë administrative/qytetit/fshatit si elementë të adresës kryhet në përputhje me parashikimet e ligjit nr. 115/2014 “Për ndarjen administrativo-territoriale të njësive të qeverisjes vendore në Republikën e Shqipërisë”.

Nëse ka shkurtime në emërtimin e rrugës/bashkisë/njësisë administrative pas tyre vendoset shenja e pikësimit “.”.

2. Elementët për numërtimin e ndërtesës, hyrjes dhe apartamentit shkruhen në një rresht dhe ndahen ndërmjet tyre me shenjën e pikësimit “;”.

- a. Në rastet kur mungon numri i hyrjes së ndërtesës dhe numri i apartamentit, ndërtesa ka përkatësisht një hyrje dhe hyrja ka vetëm një apartament. Në këtë rast shkruhet vetëm numri i ndërtesës.
- b. Në rastet kur mungon numri i apartamentit do të thotë se ndërtesa ka përkatësisht një apartament. Në këtë rast shkruhet numri i ndërtesës dhe numri i hyrjes.

3. Emërtimet sipas elementëve fshat/qytet/njësi administrative dhe kod postar, shkruhen në një rresht, të ndarë midis tyre me shenjën e pikësimit “ ; ”.
4. Kodi unik i adresës, si ndarje më vete shkruhet në rreshtin e fundit. Kjo e dhënë alfanumerike sigurohet në bazë të konsultimit dhe kërkimit në faqen e adresarit, e cila funksionon e hapur për publikun, sipas adresës <https://rka.mb.gov.al> ose <https://adresari.mb.gov.al>.

II. MËNYRA DHE MODELI I SHKRIMIT TË ADRESËS:

1. Në ushtrimin e veprimtarisë së tyre të gjitha institucionet publike dhe jopublike, personat juridikë dhe fizikë respektojnë modelin e adresës sipas formateve të miratuara.

a. Për adresën e ndërtesave të ndodhura nën juridiksionin e Bashkisë Tiranë:

Rr. “MYSLYM SHYRI”
Nd. 5; H. 11; Ap.9
Njësia Administrative 10; 1001
Tiranë
TR01AA00 00011 000009

b. Për adresën e ndërtesave kur emërtimi i qytetit përkon me emërtimin e njësisë administrative, njësia administrative nuk vendoset:

Rr. “JANI VRUHO”
Nd. 5; H. 12/1; Ap. 12/1
5003
Berat
BR03AD30 12/01 012/01

c. Për adresën kur emërtimi i qytetit dhe njësisë administrative është i njëjtë, por emërtimi i bashkisë është i ndryshëm:

Rr. “AGIM RAMADANI”
Nd.10; H.3; Ap.15
Bajram Curri; 8702
Tropojë
BC02BA22 00003 000015

ç. Për adresën kur emërtimi i njësisë administrative është i ndryshëm nga ai i bashkisë:

Rr. “DELIALLISI”
Nd.46; H.1/1; Ap.10
Sukth; 2010P
Durrës
DR10CB07 01/01 000010

d. Për adresën kur emërtimi i një fshati është i ndryshëm nga emërtimi i bashkisë dhe i njësisë administrative:

Rr. “AVNI BAJRAMI”
Nd.24; H.1; Ap.4
Sheqeras; Vreshtas; 7028

Maliq
ML28AA12 00001 000004

dh. Për adresën kur emërtimi i fshatrave përkon me emërtimin e njësisë administrative:

Rr. "LISIT"
Nd. 12, H.I, Ap.1/1
Vreshtas; 7028
Maliq
ML28AA00 00001 001/01

III. ALGORITMI DHE STRUKTURA STANDARDE E KODIT UNIK TË ADRESËS SI ELEMENT I ADRESËS, JANË SI MËPOSHTË:

1. Algoritmi dhe struktura standarde e kodit unik të adresës si element i adresës, shërben për të identifikuar në mënyrë unike vendndodhjen e çdo ndërtese, si dhe të hyrjeve dhe apartamenteve në brendësi të saj. Kodi unik i adresës si një nga elementet e adresës është një vlerë alfanumerike, gjithsej 19 (nëntëmbëdhjetë) karaktere.

8 (tetë) karakteret e para të kodit unik të adresës, si ndarje më vete përbëjnë kodin unik të ndërtesës. Përditësimi dhe saktësimi i këtij kodi ndodh në varësi të ndryshimeve që mund të pësojnë elementët që e përbëjnë atë, respektivisht kufijtë territorialë të bashkisë dhe kodi postar.

2. Kodi unik i adresës paraqitet si mëposhtë:

- karakteret në pozicionin 1 dhe 2, i korrespondojnë kodit 2 (dy) shifror të bashkisë, të modeluar sipas aneksit nr. 1, pjesë përbërëse e këtij udhëzimi;
- karakteret në pozicionin 3 dhe 4, i korrespondojnë 2 (dy) shifrave të fundit të kodit postar në bashkinë që i korrespondon, sipas të dhënave në aneksin nr. 1, pjesë përbërëse e këtij udhëzimi;
- karakteret në pozicionet 5, 6, 7 dhe 8, i korrespondojnë një kombinimi të 2 (dy) germave dhe 2 (dy) numrave, të krijuar në mënyrë të rastësishme për çdo ndërtesë nëpërmjet Regjistrat Kombëtar të Adresave (RKA). Karakteret në pozicionet 5 dhe 6 përbëhen nga germa kapitale të alfabetit latin (përveç germës "W"), sipas rastit nga "AA", në "ZZ". Karakteret në pozicionet 7 dhe 8 përbëhen nga numra natyrorë, nga "01" deri në "99";
- karakteret në pozicionet 9, 10, 11, 12 dhe 13, i korrespondojnë numrit të hyrjes në ndërtesë. Për numërtimin e hyrjes së ndërtesës në këto karaktere aplikohet metodologjia e mëposhtme:
 - a. hyrjet e numërtuara me shifër, marrin vlerat nga 00001 në 00099;
 - b. hyrjet e numërtuara me shifër dhe fraksion, marrin vlerat nga 01/01 në 99/99;
- karakteret në pozicionet 14, 15, 16, 17, 18 dhe 19, i korrespondojnë numrit të apartamentit në ndërtesë. Për numërtimin e apartamentit të ndërtesës në këto karaktere aplikohet metodologjia e mëposhtme:
 - a. apartamentet e numërtuara me shifër, marrin vlerat nga 000001 në 000999;
 - b. apartamentet e numërtuara me shifër dhe fraksion, marrin vlerat nga 001/01 në 999/99;

- c. në rast të bashkimit të dy ose më shumë apartamenteve, apartamenti i krijuar nga ky bashkim do të ketë kodin unik me numrin më të vogël. Në rast të ndarjes së një apartamenti aplikohen të njëjtat rregulla si më lart.
3. Kodi unik i adresës, evidentohet në të dhënat e shtetasve për vendbanimin, si rubrikë më vete në Regjistrin Kombëtar të Gjendjes Civile (RKGJC) të vitit 2010.
4. Kodi unik i adresës krijohet për ndërtesat e regjistruara në Regjistrin Kombëtar të Adresave (RKA), sipas aneksit nr. 2, pjesë përbërëse e këtij udhëzimi.
5. Ngarkohet Drejtoria e Përgjithshme e Gjendjes Civile dhe bashkitë si organ i parë i qeverisjes vendore për zbatimin e këtij udhëzimi.

Ky udhëzim hyn në fuqi pas botimit në Fletoren Zyrtare.

MINISTRI

Ervin Hoxha